


華陽縣志


商邱縣志

萬壽亭圖



商邱縣志

萬壽亭圖



萬壽亭在郡城東一里許先是戎

皇上御極之三十年軫念豫土決歲歉獲閭閻艱食

特沛

恩綸凡河南一道康熙三十一年之丁田稅糧盡行

蠲免兩河黎庶因不踴躍歡忭而歸德一郡尤

感頌

浩蕩度無以報

聖恩於是相率而建亭斷碑以奉

璽書復構大廈五楹敬安

聖澤之宏長表生民之愛戴而凡食毛踐土於斯者
永勿忘忠敬之悃於億萬斯年庶不負茲建亭
之意云河南歸德府商邱縣知縣臣劉德昌稽
首頓首而識之



縣境圖



商邱縣志

學宮圖

六



商邱縣志

孫儒學

文昌閣

訓導堂

明倫堂

西號房

東號房

門

禮

門

學

黃河圖

廣城界

家牆寺


丁家道口

朱孫集

南邱縣志

新河圖

城南新河圖




是即隋堤舊河也歲久堙廢順治末郡守宋國榮曾
 開之未成而止康熙二十九年令周宗義募貲萬
 餘金復加修治直達臺界流入渦河但水本無源而
 河身又不甚深廣故無水之時常多有水之時常
 少唯夏秋霖潦則積注汪汪焉顧境內苦無大川一
 遇澇年則阡陌化洪波而聽其自涸為民患非小如
 此等河能踵而修之俾得常通常流以洩異漲亦未
 始無補於商民也

商邱縣志

新河圖

九



序

商邱雖古地而以縣稱則自明嘉靖間始蓋今之商邱即古之睢陽宋城也歷代倚郡郭明初有併穀熟楚邱諸邑而為州洎州復升郡而以州境為縣境縣之有志則昉於萬曆初呂令也壬午寇亂全城灰燼何有於志鼎革後十餘載而章邱劉君來宰是邦雅意修復肯值兵燹之餘老成凋喪文獻無徵劉君因陋就簡約略補綴功俾草創及壬申癸酉間山陰周令欲加續修其時老成文獻衰燭更甚於劉尹之日

商邱縣志

劉序

不過取舊志臚錄一過而增以戊戌己後之科甲及太學生姓名而已謂之曰續修可乎余承乏六載以為千古之書莫大於經史史者經之翼也治天下之大典大則也國史為天下之史而郡邑志為一方之史士大夫不可不讀國史守令長讀可不閱郡邑志乎不揣固陋有志修葺值水旱游藝皇皇未逮甲申之春隸人不戒於火舊板竟付祝融嗚呼天殆警予以速成此志乎於是請諸鄉先生及博士弟子珥筆助予諸公咸避席曰明府有事於邑乘此邑人之光

邑人之幸也何敢以不文辭而宜有所不可者不敢不以直告蓋志之所重在掌故而尤重在人物毋論我輩謏焉不能逖搜覽證古今即以人物論遠者有先世邇者有親暱非是即先世之親暱而或親暱之先世也將誰毀手誰譽乎志例固無毀如以譽取其可譽者而譽之未必有功如不可譽者而譽之豈能無過求譽者而即譽之彼未嘗以為德求譽者而不即譽之彼無不怨且謗矣惟明府亮焉余唯唯審如是盡已諸衆曰嘻是惡可以明府交遊遍海內惟擇

商邱縣志

劉序

其有道而文者專任之可也適我友崑山葉君松川氏將之西川赴我家觀察兄之招道出梁宋松川篤行稽古尤邃于史學遂選其暫紆岷峨之駕止梁商略志事且告之曰商之典章故實君之所知也商之人物藏否君之所未盡知也豈惟君即余守茲土數歲亦豈能一一知而知之一一盡乎我輩誦法孔孟論人不可不以孔孟為法孔子曰鄉人之善者好之其不善者惡之孟子曰國人皆曰賢然後察之遂下今邑中曰凡昔人士之有物望及隱德者婦女之有

節烈懿行者悉舉以告於是矚其來舉之人公者則
登之私則置之舉而寡者近于私舉而衆者近於公
而又加以博訪叅以載藉然後進而品隲焉雖未能
百不失一而皆蓋公議者或寡矣余與松川晨夕搜
討凡七閱月而告成為卷二十為條四十有奇各備
序論損益乎煩簡華實之間而求各當其可不敢云
懸諸國門與人增減而後人有採掇舊聞攷討疇曩
者或不能舍之而他適也梓既竣因述其緣起以告
邑人省

康熙四十有四年歲次旃蒙作噩溲月文林郎河南
歸德府商邱縣知縣文安劉德昌題



舊志序

章邱劉之驥

夫列國各有史郡縣各有志用以彰往法來備觀省
昭勸戒耳昔紫陽朱夫子出守南康即詢舊志說者
謂其知治體邑志寧可闕與商邱為古宋名區地靈
風淳異人挺生其可紀可傳之事不一而足第恐世
遠人湮文獻凋謝景物堙蝕昔者魯聖有歎宋之無
徵者良可悼哉不佞于順治十年簡授茲土甫八境
知商邱荒旱頻仍瘟疫疊見兼苦於兵燹之慘千家
竈冷萬井石田嗟呼今日之商邱非復昔日之商邱

商邱縣志

舊序

矣余履冰數載撫殘黎而醫凋瘵將欲有所興革舊
乘遺佚典章莫稽余用是憮然曰安得耆父詳備紀
載能話數世興亡纂勒成帙上之當事公卿未有不
聞於黼座曰商邱之戶口土田非復如舊也商邱
之城郭人民非復如舊也商邱之貢賦徭役非復如
舊也詔責民牧培養而安全之將見百年之後禮
樂可興風移俗易蒸蒸大治所借邑乘以備輶軒之
採者顧不重歟曩有博學賈子開宗留心今古從江
南携商邱舊志一部示余不佞即錄其殘編藏之笥

中欲為增修奈郡人士甫出湯火而大兵大差絡繹不絕為今者風塵牛馬僕僕供應非不縈念及此顧亦我躬不遑爾幸蒙督撫部院賈公綏輯中州欲覽皇圖察興廢稽土田周知民隱洞悉賦役而尤為蒐羅遺編博考文獻以廣 當宇熙臨之所及此真握機樞而崇文治深得紫陽先生之旨而更大之余亦求為獻納而不可得今果為上之檄而欲採之修之矣詎非盛世不朽之事哉余凜凜奉命乃筮曰開局具禮躬謁邑人今翰林院侍講李公自孝廉徐子作商邱縣志

舊序

肅明經賈子開宗察子覺春徐子隣唐諸生陳子致皆博學宏才彬彬名士爰檢昔日所錄殘編踵事增華分章纂修閱數月而邑志成焉其間政事之因革損益品類之盛衰消長時地之亨屯變遷人物之忠孝廉節雖不于此盡悉而合以前數千百年所紀可謂無刺義矣因詳舊志之修出於明萬曆十年邑令呂乾健毀於崇禎壬午之春遭寇亂也今復修於順治十五年之秋月

舊志序

邑人李 目

商邱舊志十卷明吏部尚書宋公纁撰始歸德府為州未有邑也嘉靖二十四年始改為府而商邱建焉又三十年而宋公為志然其意詳於田賦而畧於藝文非略於藝文也言土宜所急也以為商邱濱河水患無歲無之其徙而南也則漂沒數百里其不徙而溢而南也猶漂沒數十里且南不通毫而待其自涸焉又壅漫數年雖與開封之蘭陽之杞山左之曹單諸邑同罹其患而一西一北彼高此下因地勢形詩

商邱縣志

李序

所謂南東其畝也至於河或北徙則又夫役婦科之不可量焉公之苦心為商邱慮深且遠也至于人物節孝寔失出勿失入柳子厚所謂本之太史以著其潔公其有焉其後幾八十年而撫軍賈公以 國家方議禮制度徵求天下志乘以成一代大典檄郡邑修之邑侯劉公宸集成書屬余裁定余請告里居杜門養疴惟時取古人論道諸書以自箴規何敢旁及然余謬附史館又志關桑梓誼不容辭且生長斯土鹵滂素諳兼稟性迂拙三代直道硜硜不移則又不

敢溢一辭而其詳于田賦而畧于藝文也曰惟宋公
是述其人物節孝寔失出勿失入也曰惟宋公是述
若夫春秋一書持寒暑之平以中養物賦役謹錄褒
貶徵言聖人之用也游夏且退余不敏何能測其崖
畧焉

重刻商邱縣舊志序

舊志之修在康熙四十有四年前乎此者為順治十五年其創也則前明萬曆十年邑宰為呂侯屬宋莊敏公成之後兩修之所本也當呂侯時商邱設縣歷三紀矣是邦處人才極盛之日功業彪炳文章應之於以持勝國之終而開興朝之始再修則悉述諸賢又皆一時名宿至康熙間梁苑風雅依然如昨故是書明潤婉約琅琅可讀信佳構也世之修志者率皆踵前編而繫以新製揆諸體例豈不謂然無如渾而

商邱縣志

張序

一之新志出而舊志廢致令前賢手筆不能獨有千秋斯足憾耳多壽承乏於茲念邑志失修久矣乃與耆老大夫薦紳先生之倫仿武功遺意為續修之舉新舊志各為一帙舊者之精神面目既還本來新者亦可自成一書合而仍分簽曰宜哉惟是兵火而後板片無存印本寥寥殘缺間之亟付手民重加剞劂其有郭公夏五不敢臆為補綴以貽敬慎至小有商榷如府志所辨穀熟非析置之類方附入續書而是編不動因歎一百八十年來長恩守護強簡未湮與今